

# NUKISSIORFIIT

**NUKISSIORFIIT**

**IMERMIK**

**tamanik pilersuinermini nalinginnaasumik  
piumasaqaataat**

**Nr. 3, 01.07.2024 2024-mit atuutilersut**

# Aallaqqaasiut

Nukissiorfiit imermik tamanik pilersuinermini nalinginnaasumik piumasaqaataat inatsisitigut tunngavissaasutut uppernarsaasersuutaavoq pingaaruteqartoq Nukissiorfiit aamma

- illunik aamma inissianik nammineq pigisanik piginnittut (piginnittoq), imermik pilersuinermut attavilerneqarsimasut,
- imermik pilersuinermik atuisut (atuisoq),
- ruujorilerisut (VVS-mesterit) suliarinnittartut aamma
- EI-installatørit suliarinnittartut

akornanni.

Oqaasertaani ataatsimoortumik taaguut atuisoq atorineqarpoq piginnittumut aamma atuisuusumut, tamanna tulluurtutut isiginneqaraangat. Atuisoq tassaavoq inuk nammineq imaluunniit inuk inatsisitigut pisinnaatitaasoq aamma pisussaataitaasoq, tassaasoq Nukissiorfinni nalunaarneqarsimasoq akiliisarnermut uuttuummik ataatsimik imaluunniit arlalinnik atuisunngorsimasutut. Atuisut tassaasinnaapput atuisartut privatit imaluunniit inuussutissarsiutinik ingerlatsisut.

Piginnittup, atuisup aamma VVS-mesterit Nukissiorfiit pilersuinermini nalinginnaasumik piumasaqaataanni allassimasut, sammisani imminnut attuumassuteqartut ilisimasariaqarpaat.

Nukissiorfiit aamma atuisup akornanni isumaqatigiissuteqarnermut tunngaviusut illaatigut Nukissiorfiit innaallagissamik, imermik aamma kiassaanermik tamanik pilersuinerminnut nioqquteqarnermut piumasaqaataatigut ilaatigullu Nukissiorfiit imermik tamanik pilersuinerminnut nalinginnaasumik piumasaqaataatigut aalajangersarneqarput.

Piginnittut, atuisut aamma VVS-mesterit aammattaq Nukissiorfiit inatsisit, peqqussutit, nalunaarutit kiisalu innersuussutit il. il. qaqugukkulluunniit atuuttut eqqortissallugit pisussaapput. Taakkuninnga ingammik immikkut erseqqissaatigineqassapput makku:

- Nunaqarfiit innaallagissamik imermillu pilersorneqarnerisa Namminersornerullutik Oqartussanit tiguneqarnerat pillugu Inatsisartut inatsisissaat nr. 13, 6. november 1997-imeersoq
- Namminersornerullutik Oqartussat aamma Kalaallit Nunaanni kommunit kattuffiata Namminersornerullutik Oqartussat/Nukissiorfiit nunaqarfiit innaallagissamik aamma imermik pilersorneqarnerannut akisussaannerminik tigusinerannut tunngatillugu isumaqatigiissuteqarnermut tunngavigisaat 1. januar 1998-imeersoq
- Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq
- Imermik pilersuineq pillugu Inatsisartut peqqussutaat nr. 10, 19. november 2007-imeersoq
- Erngup imigassap pitsaassusia aamma imermik pilersuviit nakkutigineqarnerat pillugit Namminersornerullutik Oqartussat nalunaarutaat nr. 7, 17. marts 2008-imeersoq (aaqqissuunneqarpoq)
- Innaallagissamut, imermut ataatsimoortumillu kiassarnermut il.il. akigitat aalajangersaasarneq pillugu Namminersornerullutik Oqartussat nalunaarutaat nr. 22, 22. december 2017-imeersoq

## Imarisai

1. Nassuiaatit
  2. Aallaqqaasiutitut aalajangersakkat
  3. Imerk pilersuinerup atatiinneqarnera
  4. Illumut attavilerneqarfiit
  5. Erngup aqqutaanik ikkussuineq
  6. Akiliisarnermut uuttuutit
  7. Imermut tankimik ikkussuineq
  8. Maalaaruteqarnissamut periarfissat
- Ilanggussa 1. Imermut tankimik ikkussuinermi piumasaqaatit
- Ilanggussa 2. Ilaqtariinnut arlaqartunut illuni immikkoortutut naatsorsuussaasuni aamma inissiani immikkut akiliuteqarfiusartuni ungasianit kiasaanermi aamma imermik atuinermi atuinerup uuttorneqartarneranut tunngaviusut.

## 1. Nassuiaatit

### Attavilerneqarfiup sumiiffia

1.1  
Sumiiffik tassaasoq Nukissiorfiit imermut aqputaata pingaarnerup aamma attavilerfiata imminnut katigutsinneqarfiat.

### Illumut attavilerneqarfik

1.2  
Erngup aqputaa, erngup aqputaanit pingaarnermit attavilerfiup sumiiffianit illumi erngup atorneqartup akilerneqartussap uuttortaavianut ingerlasoq.

Illumut attavilerneqarfimmut ilaapput erngup aqputaani pingaarnermi illup tungaanut aqputip attavilerfiata ikkuffia [*anboring*] imaluunniit attavilerfiup ikkuffiata atortua [*anboringsarmatur*], illumut attavilerneqarfiata ventiilia tassunga ikkusimasinnaavoq tallissut [*spindelforlænger*] aamma ventilinut katiteriffik assaassaq matulik [*ventilbrønd*], ventili kuuffissaq sullulik [*drænventil*] aamma erngup aqputaa imermut uuttuivimmumut illumit attavilerneqarfimmi ventilimeersoq aammattaaq qerisoortitsinaveersaat innaallagiatortoq aamma erngup aqputaanit pingaarnermit ingerlaqqiffissatut ikkussa qerisoortitsinaveersaat innaallagissap aqputaasa katersuuffianut [*eltavle*] ingerlasoq.

### Erngup aqputaa pingaarneq

1.3  
Erngup aqputaa pingaarneq tassaavoq imermut aqput, erngup imeqarfimmi piareerlugu sukuluarneqareersimasup illunut attavilerneqarfimmut, imertarfimmut aamma oqartussaasut ikualattoqartillugu qatserinermut ventiilinut aqputigitinneqartoq.

### Imeq nillertoq/kissartooq

1.4  
Imeq illumi atorneqartoq, imerneqartussatut aamma uffarnermi il.il. atorneqartussa q.

### Imerk atuinermut uuttuut

1.5  
Uuttuut, imermik nillertumik illumi atorneqartumik nalunaarsuinermut atorneqartoq.

### Nukissiamut uuttut

1.6  
Uuttuut, erngup kissartup illumi atorneqartup annertussusianik uuttortaataasoq.

### Sanaartornermi uuttuut /utaqqiisaagallartumik imermut uuttuut

1.7  
Imermut uuttuut, utaqqiisaagallartumik pilersuinermi ikkussukani atorneqartoq, tassunga ilanngullugit sanaartorfiit.

## 2. Aallaqqaasiutitut aalajangersakkat

### Ruujorilerineq

2.1

Suliassat ruujorilernermit tunngasut tamarmik illumut attavilerneqarfimmik aamma erngup aqqutaanik ikkussuinerit, suliffeqarfimmit avataaneersumit sularineqartut VVS-mesterimik sularineqassapput. VVS-mesterip Nukissiorfiit eqqiluusaarnissamut ilitsersuutaa ilisimassavaat.

### Innaallagialerineq

2.2

Suliassat innaallagialerinermit tunngasut tamarmik qerisoorna-veersaatini innaallagiatortuni suliassat el-installatørimit akuersisummik pigisaqartumit sularineqassapput.

### Ruujorilerisutut inuus-sutissarsiuteqarnermut allagartaqarneq

2.3

Nukissiorfiit VVS-mesterimut makku piumasaqaatigaat:

- Sularinninnermut akisussaasuusup assarsornermik fagi angusiffigisimassavaa suliatigut sammisamut tulluartumik attuumassuteqartoq, taamatuttaaq CVR-ikkut normu atorlugu nalunaarsorsimassalluni.
- Kalaallit Nunaanni aalajangersimasumik niuernermit ingerlatsiveqarneq telefoneqartumik, assarsornermi sakkooqartumik aamma saffiorfeqartoq.
- VVS-mesteri nammineersinnaajunnaarsitaasimassanngilaq imaluunniit akiliisinnaajunnaartussatut suliffia sularineqarluni.

### Suliatigut pikkorliorneq

2.4

VVS-mesteri illumut imermik attaviliinermit aamma kiassanermit atortunik ikkussuinermit suliaqarnermit annertuumik imaluunniit uteqqiattumik sumiginnaappat, taava Nukissiorfiit VVS-mesteri suliassanik taamaattunik suliaqarnissaanut itigartissinnaavaat.

### Erngup attavilerneqarfi-anik allanquineq

2.5

Nukissiorfiit pisinnaatitaapput erngup illumut attavilerneqarfiinik nuussinissaminnut aamma attaviit taakkununga tunngasut allanngortissinnaallugit atuisumut aningaasartuutaanngitsumik.

### **3. Imerk pilersuinerup atatiinnarneqarnera**

#### **Pitsaassuseq**

##### **3.1**

Imeq imerneqartussaq tappiorannartunik uumassusilinnik aamma akuutissanik ima annertutigisunik imaluunniit kimittussuseqartunik akoqassanngilaq peqqissutsimik ulorianartorsiortitsilersinnaasunik. Imermi imerneqartussami erngup imigassap pitsaassusia pillugu nalunaarummi pitsaassutsimut piumasaqaataasut atuuttut eqqortinneqassapput erngup atuisumut sumiiffimmut tunniunneqarfianut.

Imerk pilersuineq ajutoornermik unitsinneqarpat sapinngisamik piaarnerpaamik Nukissiorfiit pilersuinerup atulerseqqinnissaa isumaginiassavaat.

Nukissiorfiit imerk pilersuinermit taamaallaat illumut attavillinerup sumiiffia tikillugu akisussaassuseqarput. Ajoqutit aamma amigaataasut sullitap illuanut attavilerneqarfimmiittut aamma ikkussukkaniittut attavilerneqarfiup sumiiffiata kingornaniittut Nukissiorfiit akisussaassuseqarfiginngilaat. Tankinut imiisivinnut pilersuinermi taamatutaaq Nukissiorfiit taamaallaat akisussaassuseqarfigaat imerk pilersuinermi pitsaassuseq tankimut imiisivimmut tunniussinerup sumiiffianiittoq tikillugu.

#### **Erngup naqitsinera**

##### **3.2**

Illut ataasiakkaat eqqaanni pilersuinermit aqutini naqitsinerup minnerpaaffissaata attatiinnarnissaanut Nukissiorfiit pisussaaffeqanngillat.

#### **Erngup natsinera naammaginangitsoq**

##### **3.3**

Illumi erngup naqitsinera naammaginangippat, tamannalu illumik imaluunniit illup inissisimaneranik patsiseqarpat, Nukissiorfiit piumasarinnaavaat illu erngup aqputaanik pilersorneqarneranut atatillugu naqitsinermik annertusititsinermut atortumik ikkussisoqarnissaa.

Naqitsernermik annertusititsinermut atortoq illumik piginnittup piumasaqarneranik aamma akiliuteqarneratigut ikkunneqassaaq. Nukissiorfiit piumasarinnaavaat atortup akuersissutigineqarnissaa.

#### **Pilersuinermit aqutini suliaqarneq**

##### **3.4**

Pilersuinermit aqutini imaluunniit imeqarfimmi pilersaarutigineqartumik suliaqartoqassatillugu, taava tamatuma aallartinginnerani pilersaarutaasumik imerk pilersuinerup unitsittarnissaa pillugu Nukissiorfiit atuisut eqqorneqartussat nalunaarfigissavaat.

#### **Pilersuinermit ajutoorneq**

##### **3.5**

Unitsitsinerit Nukissiorfiit atortuini soorlu assersuutigalugu kukkuneq aamma ajortittoqarnerata kingunerisaannik pissuteqartut sapinngisamik pilertornerpaamik iluarsinarneqassapput, kisianni Nukissiorfiit pilersuinermit ajortoorneq kingunerisaannut akisussaaffeqanngilaq.

Atuisoq kinaluunniit taarsiiffigineqarnissaminik piumasaqaate-

qarnani pilersuinerup ajutoorneranut atatillugu aqquutit aserortoornani, mingutsitsinermik, innaallagissap pilersuinerup unittoornanik, aqquutit matuneqarnerannik, iluarsaassinermik aamma aqquutit salinneqarnerannit imalluunniit nammineq sunniuteqarfigisinnaangisanit pissuteqartumik pisoqartillugu persaqusersuutinut pisunut naammaginnittariaqarpoq.

**Atuinermik killilersuineq**

3.6

Nukissiorfiit tamatumunnga taarsiissuteqarnissaannut piumasaqaatitaqanngitsumik imermik atuinerup imaluunniit atuinerup ilaanik killilersuinissamut aalajangersaasinnaapput, Nukissiorfiit isumaqarunik imeqarfiup ingerlanneqarnerata imaluunniit imeqassusiata tamanna pisariaqartikkaa.

**Qatserutit ikkuffii**

3.7

Qatserutit ikkuffiinit imermik atuinerup malittarisassaq pingaarneq taasaavoq ikuallattoqarnerani aamma ajutoornerni allani taamaallaat atorneqartarnissaat. Tamatuma saniatigut imeq qatserutit ikkuffiineersoq taamaallaat atorneqarsinnaavoq tamanna sioqqullugu Nukissiorfinnit akuersissummik pisimagaanni.

Qatserutit ikkuffii erngup aqquutaani pingaarnermiittut, tassunga ilanngullugit qatserinerup atortunut sikaaviit aamma qatserutit ikkuffiisa nalunaaqutsernerat, Nukissiorfinnit ingerlanneqarlutillu aserfallatsaaliorneqarput. Qatserutit ikkuffii allat Nukissiorfinnit akisussaaffigineqanngillat.

Qatserutit ikkuffiisa eqqaanni aputaajaaneq aamma sermiiaaneq kommunimit suliarineqartarpoq.

**Imertartarfiit**

3.9

Imertartarfinni kikkunnik tamanik imertarfigineqarsinnaasuni imertarnerni pisariaqanngitsumik imermik maangaannartitsineq aamma imertartarfimmik kiisalu taassuma eqqaata qanittuani mingutsitsinerit suulluunniit inerteqqutaapput.

Imiisiviit atorlugit imertartoqartassaaq. Slangimik ikkussinissaq inerteqqutaavoq tamatuma kingunerisinnaammagu imertartarfimmi erngup imeqartussap mingutsinneqarnera, tamannalu atuisut allat peqqissusiannik navianartorsiortitsisinnaammat. Tamatuma saniatigut slangit imertartarfinnut ikkunneqartut, atuisup slangimik atugaqartup peqqissusianut navianarsinnaavoq. Nukissiorfiit imminnut pisinnaatippat ikkussisoqarsimappat tamakkua piiassallugit imaluunniit allanut piiartissallugit piginnittumut akiligassanngorlugit.

Imertartarfiit kikkunnik tamanik atorneqarsinnaasut tikinneqarsinnaanerat qulakkeerniarlugu aputaajaaneq kommunimit isumagineqartarpoq.

## 4. Erngup illumut attavilerneqarfia

### Erngup illumut attavilerneqarnissaanut akuersissut

4.1

Erngup illumut attavilerneqarfia isertinneqarsinnaavoq Nukissioffiit atortuisa aamma illoqarfiup sanaartorfigineqarnissaanik pilersaarutip tamanna ajornartinngippassuk, soorlu assersuutigalugu imeqarfiup nioqqutissiorsinnaanera eqqarsaatigalugu. Nukissioffiit sulisuisa innersuussutigissavaat erngup illumut attavilerneqarfia sukkut ikkunneqassanersoq. Tamakku saniatigut kommunit aalajangersakkat innersuussutigineqarput.

### Erngup illumut attavilerneqarfia immikkoortoq

4.2

Illut tamarmik inummik ataatsimik pigineqanngitsut nalinginnaasumik inoqutiginnut illumiittunut immikkut ataasiakkaanut imeq attavilerneqartussaavoq. Nalinginnaasumik erngup illumut attavilerneqarfiata ataasinnaap illumut ikkunneqarnissaa akuerineqarsinnaavoq. Illumik piginnittup allanngornerani erngup illumut attavilerneqarfiinut ataatsimoorunneqartunut aningaasartuutit immikkoortiterneqassapput, taamaaliornikkut erngup attavilerneqarfianik inoqutigiit immikkut tamarmik peqassallutik. Illumit piginneqatigiittut, andelsforeningit il.il. erngup illumut attavilerneqarfianik ataatsimoorussanik piginnittuusinnaapput.

### Erngup illumut attavilerneqarfianut ataatsimoorussanut inatsisinut tunngasut

4.3

Erngup illumut attavilerneqarfianik ataatsimoorussamik piginnittuunermut atugassarititaasut piginnittut akornanni allaganngukamik isumaqatigiissutigineqarsimassapput. Erngup illumut attavilerneqarfianik ataatsimoorussamik piginnittut qerisoornaveersaammik innaallagiatortumik atuinermut akiligassanut assigiimmik pissussaaffeqarput.

### Piumasaqaatit aningaasanut tunngasut

4.4

Erngup aqutaanut pingaarnermut erngup illumut attavilerneqarfianut aningaasartuutit tamaasa, tassunga ilanngullugit erngup illumut attavilerneqarfiata teknikkkut uppersaasorsorneqarnerata suliarineqarnera, piginnittup akilissavai. Tamatumunnga ilaanngillat immikkut pisut, tassani Nukissioffiit aalajangerpassuk erngup illumut attavilerneqarfianik pilersitsinermut aningaasalersuinissaq, tamanna sukumiinerusumik allaaserineqarpoq Nukissioffiit innaallagissamik, imermik aamma kiassaanermik tamanik pilersuinerminnut nioqquteqarnermut piumasaqaataanni immikkoortoq 1.2.1-imi.

### Qinnuteqaateqarneq

4.5

Erngup illumut attavilerneqarfianik pilersitsinermut, nuussinermut imaluunniit allanngortitsinermut qinnuteqaat Nukissioffinnut nassiunneqassaaq aamma suliap aallartinneqannginnerani akuersissutigineqarsimassalluni.

Qinnuteqaat Nukissioffiit immersugassiaataat atorlugu nassiunneqassaaq, taanna Nukissioffiit nittartagaanni [www.nukissioffiit.gl](http://www.nukissioffiit.gl)-imi pissarsiarineqarsinnaavoq.

### Erngup illumut attaviler-

4.6



**neqarfianik suliaqarnermut piumasaqaatit** Erngup illumut attavilerneqarfianik suliaqarnerit tamarmik sam-misamut tunngatillugu maleruaqqusat tunngavigalugit suliarine-qassapput, tamatumunnga Nukissiorfiit innersuussutaat aamma eqqiluusaarnissamut ilitsersuutaat ilanngullugit.

**Erngup illumut attavilerneqarfiata naammassineranik nalunaaruteqar-neq** 4.7  
Nukissiorfiit periarfissaqartinneqassapput naqitsinermik misilii-nermi najuunnissaminut, kabelit qerinaveersaatit piumasaqaa-taasut aamma uiguleriinnerit ikkunneqarneri misissussallugit, er-ngup illumut attavilerneqarfiata matoorneqannginnerani, kiisalu erngup illumut attavilerneqarfiata naammassineqarnera nalu-naarutigineqannginnerani.

**Erngup illumut attavilerneqarfianik aserfallat-saaliuineq** 4.8  
Piginnittup akisussaaffigai erngup illumut attavilerneqarfianik aamma atortuinik attuumassuteqartunik, aammattaaq erngup aqquataasa ikkussuakkat isumannaatsumik aserfallatsaalineqar-nissaat kiisalu erngup illumut attavilerneqarfiani sulluunniit a-migaataasup sapinngisamik piaarnerpaamik iluarsineqarnissaa i-sumagissallugu.

**Erngup illumut attavilerneqarfianik aserfallat-saaliuinnginneq** 4.9  
Nukissiorfiit erngup illumut attavilerneqarfia isumannaatsumik a-serfallatsaaliorneqanngitsoq imaluunniit illumiit kuuffinnut tun-ngasut pisutaallutik pilersuinnermut aqquutit imaluunniit erngup pitsaassusia ajoquserneqarnissaat aarlerinartorsiortinneqartut paasigunikku, taava Nukissiorfiit erngup illumut attavilerneqarfia matusinnaavaat piginnittumut akiligassanngorlugi.

Nukissiorfiit tamanna sioqqullugu piginnittup kalerrinneqarnissaa misilissavaat.

**Illu atorineqanngitsoq** 4.10  
Nukissiorfiit piginnittumut akiligassanngorlugi illumut atorine-qanngitsumut erngup illumut attavilerneqarfia matusinnaavaat Nukissiorfiit pilersuinnermut atortuisa sinnerinut tamanna aarleri-nartorsiortitsippat.

Nukissiorfiit tamanna sioqqullugu piginnittup kalerrinneqarnissaa misilissavaat.

**Erngup illumut attavilerneqarfiata ventilianik suliaqarneq** 4.11  
Erngup illumut attavilerneqarfiata ventilia taamaallaat Nukissior-finnit imaluunniit VVS-mesterimit Nukissiorfinnit isumaqatigiissu-teqarnikkut passunneqarsinnaavoq.

**Erngup illumut attavilerneqarfianik matusineq** 4.12  
Erngup illumut attavilerneqarfia matuneqarpat aamma erngup il-lumut attavilerneqarfia imaarneqarsinnaanngippat aamma er-ngup aqquataa pingarneq imaluunniit erngup pitsaassusia ajoqu-serneqarsinnaanerat navianartorsiortinneqarlutik, taava Nukissi-orfiit pisinnaatitaapput erngup illumut attavilerneqarfianik kipi-sinissaminut imaluunniit allatut iliornikkut pilersuineq unitsillugu.

Erngup illumut attavilerneqarfianik atuukkunnaarsitsineq aamma pilersitseqqinneq piginnittup akiligaanik suliarineqassapput.

- Erngup illumut attavilerneqarfianik nuussineq** 4.13  
Nukissiorfiit namminneq aningaasartuutigalugu erngup illumut attavilerneqarfia nuussinnaavaat. Erngup illumut attavilerneqarfianik piginnittup imaluunniit atuisup tamatumunnga atatillugu ingerlatsinermut aningaasartuutit annertunerulernerat akilissavaa.
- Erngup illumut attavilerneqarfianik pilersitsinissamut piomasaaqatit** 4.14  
Erngup illumut attavilerneqarfia "Kalaallit Nunaanni erngup aqqutaanik ukioq kaajallallugu atorneqartunik pilersaarusiortarnermut innersuussut" naapertorlugu suliarineqartariaqarput. Ilitser-suut taanna Nukissiorfiit nittartagaanni [www.nukissiorfiit.gl](http://www.nukissiorfiit.gl)-imi takuneqarsinnaavoq.
- Pilersitsinissamut piffissarititaasoq** 4.15  
Erngup illumut attavilerneqarfii taamaallaat erngup aqqutaanut pingaarnernut piffissami 1. maajimiit 1. oktobarip tungaanut ikkunneqarsinnaapput. Pissutsit immikkut ippata allakkatigut qinuteqaateqareernikkut immikkut akuersissuteqartoqarsinnaavoq.
- Erngup illumut attavilerneqarfia titartaganngorlugu aamma erngup illumut attavilerneqarfiata ventiliata sumi inissinnissaa pilugit pilersaarusiaq Nukissiorfinnut tunniunneqassapput.

## 5. Erngup aqqutaanik ikkussuineq

### Allanngortitsinermi akuerineqarnissamut piumasaqaat

5.1

Nukissiorfinnit akuersisummik pissarsisoqartassaaq erngup aqqutaanik ikkussukkanik allanngortitsilluni suliaqartoqartinnagu imaluunniit erngup aqqutaannik pioreersunik annertusaannginnermi, tamanna imermik atuinermik imaluunniit erngup pitsaasusianut sunniuteqarpat.

### Akuerineqarnissamut qinnuteqaateqarneq

5.2

Akuerineqarnissamut qinnuteqaateqarneq immersugassaaq atuuttoq atorlugu Nukissiorfinnut nassiunneqassaaq nassiunneqassaaq. Immersugassaaq Nukissiorfiit nittartagaanni [www.nukissiorfiit.gl](http://www.nukissiorfiit.gl)-imi aaneqarsinnaavoq.

### Ikkussorneqartunut piumasaqaatit

5.3

Erngup aqqutai ikkussugassat imatut suliarineqassapput, atorneqassapput aamma aserfallatsaaliorneqassapput ima pisoqarnissaa pinngitsoortussanngorlugu:

- erngup aqqutaani pingaarnerni naqitsinernik ajoqutaasinnaasunik imaluunniit naqitsinerit nikerartut pilertoqarnissaa,
- imermik mingutsitsisoqarnissaanut aarlerinartoqarnissaa,
- ussiitsunik pilertoqarnissaa.

imaluunniit Nukissiorfiit atortuinik allanik tamatuma kingunerisaanik ajoquteqartoqalernissaa.

Atortorissaarutit, filterit aamma qorlorfiit il.il. erngup aqqutaanut ikkunneqartartut imermut imerneqartussamut atorneqartussatut akuerineqarsimassapput.

Naak illumi erngup aqqutaasa misissorneqarnerat Nukissiorfiit suliarisimagaluaaraat piginnittoq tassaavoq kisimi akissussaaffeqartoq, ikkussorneqarsimasut naammaginantumik pitsaasuunissaannut.

Suliffeqarfiit, inuit imaluunniit suliffiit eqqumaffigissavaat uuma "DS/EN 1717, sikring mod forurening af drikkevand i vandinstallationer samt generelle krav til tilbageløbssikring - DS/EN 1717, erngup imerneqartussap mingutsinneqannginnissaanut qulakkeerinninneq aammattaaq erngup uteriartoornissaanut isumannaajaanissamut nalinginnaasumik piumasaqaatit" eqqortinneqarnissaat.

### Ikkussorneqarsimasut atorneqanngitsut

5.4

Piginnittoq pisussaavoq erngup aqqutaasa ikkussukkat atorneqanngitsut milinneqarsimanissaanut aamma imaarneqarsimanissaanut, ilaatigut qerisoorlutik ajoqusernissaat eqqarsaatigalugit aamma imermik maangaannartitsisinnaaneq pissutigalugu ajoqusiinnaanerat.

### Erngup aqqutaanik ikkussorneqarsimasunik

5.5

Nukissiorfiit peqqusisinnaapput illuni atorneqanngitsuniittunik

**pilersuiunnaarneq**

erngup aqqutaanik ikkussukkanik mileqqusinissaminut.

Nukissiorfiit akiligassaqarnerup kingunerisaanik innaallagialq i-maluunniit imermik pilersuineq matusimappatigit, taava illumik piginnittoq tamatuma kingunitsiannuatigit pisussaaffeqarpoq illumi qerisoortoqannginnissaa qulakkiissallugu.

Imaappat najugaqarfimmik pineqartumik piginnittoq tamanna pillugu nalunaarummik tigusaqarsimagaluarluni, tassa illup qerisoornissamut isumannaarnissaa pillugu aamma piginnittup tamanna isumagingikkuniuk, taava piginnittoq kingusinnerusuk-kut qerisoornerup kingunerisaanik ajoqusersimasunut tunngatil-lugu Nukissiorfinnut taarsiiffigineqarnissamut piumasaqaateqar-sinnaanngilaq.

**Pisussaaffinnik  
eqqortitsinnginneq**

5.6

Piginnittoq pisussaaffigisaminik naammassinninngippat, tassa immikkoortuni 5.1-imit - 5.3-mut nassuiaassutigineqartunik, taa-va Nukissiorfiit piginnittup akiligaanik suliassaq suliaritissinnaa-vaat imaluunniit imermik pilersuineq erngup illumut attavilerne-qarfiatigit milissinnaallugu.

**Imermit  
innarlerneqartut**

5.7

Nukissiorfiit akisussaaffiginngilaat illuni imermit innarliinerusi-naasut, tassunga ilanngullugit innarlikkat ventilinit isumannaalli-saataasunit imaluunniit qerisoornernit pissuteqartunit ajoqusii-nerit.

**Biilit kinnernik milluaa-  
sartut, anartarfilerissu-  
tit aamma tankillit allat**

5.8

Biilit kinnernik milluaasartut, anartarfilerissutit aamma biilit allat storz-koblingit imaluunniit qatserutit ikkuffii aqutigalugit erngup aqqutaanik toqqaannartumik imermik immiisartut, taakkua ator-tassavaat koblingi/qorlorfik Nukissiorfinnit innersuuneqarsima-soq erngup uteriartoornissaanut isumannaajaarneqarsimasoq, Nukissiorfinnullu akuerisaasimasoq.

## 6. Akiliisarnermut uuttuutit

### Uuttuutit il.il. inissinneqarnerat

6.1

Akiligassanik isumannaarinninnissamut uuttuut inimi qerinanngitsumi inissinneqassaaq. Inissinneqarnera Nukissiorfinnit akuerineqassaaq. Akiligassanik isumannaarinninnissamut uuttuut ikkussukkanit peerneqarsinnaassaaq. Akiligassanik isumannaarinninnissamut uuttuummi atuisimaneq ajornanngitsumik takuneqarsinnaassaaq.

Akiligassanik isumannaarinninnissamut atuineranut uuttuut ventililit matusissutaasartut marluk akornannut inissinneqassaaq.

### Ventilimut matusissutaasartumut piunasaqaat

6.2

Ventililit matusissutaasartut erngup aqqutaattut ikkusimasutut uuttuutaat annertussuseqassapput. Ventililit matusissutaasartut aalanissamik imaluunniit saviminernik arortoortitsinissamik kinguneqartitsissanngillat.

### Qorlorfimmut ventili aamma ventili uteriartoornaveersaat

6.3

Akiligassanik isumannaarinninnissamut uuttuutip kingornata tunngaanni aamma ventili matusissutaasartup siorngata tunngaanni qorlorfimmut ventili aamma ventili uteriartoornaveersaat ikkunneqassapput.

### Illumi ataatsimi uuttutit amerlassusii

6.4

Nalinginnaasumik ineqarfinnut ataasiakkaanut imermut nillertumut ataasiinnarmik akiligassanik isumannaarinninnissamut uututeqassaaq, imaangippat Nukissiorfinnit allamik isumaqatigiissuteqartoqarsimalluni.

### Ataasiakkaat akiligassinneqartarnerat

6.5

Illut arlalinnik ineqarfittallit ineqarfinni ataasiakkaani ataasiakkaarlutik akiligassanik isumannaarinninnissamut uuttumik pilerorneqassapput, imaappat piunasaqaatit tulliuuttut naammasineqarsimallutik:

- Ineqarfinni ataasiakkaani imermik nillertumik atuneq takmakkerlugu akiligassanik isumannaarinninnissamut uutuummik ataasiinnarmik uuttorneqarsinnaalluni
- Ineqarfiit ataasiakkaat namminneq immikkut imermut atavimmik pilerneqarsimappata.

### Imermut kissartumut uuttuut

6.6

Imaassappat imermik kissartumik illumi atorneqartumik atuneq immikkut akilersinneqartassalluni tassa illuni, tassani imermik kissartumik illup iluani atorneqartumik kissartunngortitsisarneq qitiusumik ingerlanneqarluni, taava tamanna nukissiamik uuttuut atorlugu uuttorneqassaaq imeq atorneqartoq aammattaq imermut kissartumut illup iluani atorneqartumut nukissiap annertussusia, tak. ilanngussaaq 2.

Erngup aqqutaanut ikkussukkanut makku tulliuuttut naammasineqarnissaat piunasaqaataavoq:

- Imermut kissartumut atortut iluanni erngup ingerlaarnera

kaaviiartuussaag

- Erngup ingerlaarneranut kaaviiartumut nukissiamik uuttuut ikkussimassaaq atortumi kaaviiartumi annaaneqartumik uuttuisussaq. Annaaneqartoq taanna illumit piginnittumik akilerneqassaaq
- Aalajangersakkat allat ukunaniittut “Nukissiorfiit imermik tamanik pilersuinerminni nalinginnaasumik piumasaqaataat” aammattaaq “Nukissiorfiit ungasianit kiassaanermik tamanik pilersuinerminnut nalinginnaasumik piumasaqaataat” malinneqassapput.

**Imermik  
maangaannartitsineq**

6.7

Imermik maangaannartitsineq erngup illumut attavilerneqarfianeersoq uuttuutip sionatigut pippat, taava imermik maangaannartitsineq illumik piginnittumit akilerneqarnissaa piumasaqaataasinnaavoq. Taamaattoqarpas atuneq Nukissiorfinnit missingersorneqassaaq.

Piginnittup paasiguniuk akiligassanik isumannaarinninnissamut uuttuutip eqqaani erngartoqartoq imaluunniit ajoquteqartoqartoq, taava pineqartup tamanna pillugu Nukissiorfiit piaartumik ilisimatissavai. Illumik atuisut illumu ajoqutit paasineqartut pillugit illumik piginnittoq piaartumik nalunaarfigissavaat.

**Innaallagiaq  
ikkussorneqartoq**

6.8

Innaallagissap aqqutaanut atuisutut ilanngunneqarnissaaq atuisunngortumi nutaami uuttuutip ingerlanissaanut pisariaqarpas, taava illup atuisutut ilanngunneqarneranik taamatullu innaallagissamik pilersuinermik ikkussuinermik aammattaaq uuttuinermut atortup innaallagissamik atuineranik atuisoq akiliinissaminut pisussaavoq.

## 7. Imermut tankimik ikkussuineq

### Imermut tankimik ikkussuinermit piomasagaatit

#### 7.1

Imermut tankimik ikkussuinerit Nukissiorfiit innersuussineri malilugit suliarineqassapput aamma atortussat imermut imerneqartussamut akuerineqarsimasuussapput tak. ilanngussaq 1.

Imermut tanki ikkussorneqartoq atulinnginnerini Nukissiorfinnit akuersissutigineqassaaq. Imermut tankimik ikkussuinermit piomasagaatit pingaernerit tulliuuttut makkuupput:

- Imermut tankit inimi qerinnanngitsumi kuuffilimmi inissineqassapput.
- Imermut tankit nalinginnaasumik illumi inini quleriinni allerpaami taamaallaat inissinneqarnissaat akuerineqartarput.
- Imermut tankit minnerpaamik ullunut unnuallu 3-4-nut nalinginnaasumik atuinissamut naammattumik imaqarsinnaassapput.
- Imermut tankit 1000 literimit minnerusumik imaqarsinnaasut taamaallaat Nukissiorfinnit allakkatigut akuersissutigineqarunik ikkunneqarsinnaapput.
- Aappaluttumik qalipaatilimmik qullilerneqassaaq taanna tanki **ulikkaarangat** ikkittassalluni, aamma qulleq qorsummik qalipaatilik taanna ikissaaq **tanki sulii imermik immerneqarsinnaappat** (tak. ilanngussaq 1). Qulleq imatut inissinneqarsimassaaq ukiup qanoq ilinera apeqqutaatinnagu immiisarfiimmit ulloq unnuarlu tamatigut isigineqarsinnaassalluni.
- Utsersorfissaanik ikkussisoqassaaq taassuma uuttuutaa ima annertussuseqassaaq qanorluunniit pisoqartillugu erngup immiunneqartup annertussusia artussanagu, kiisalu imatut inissinneqassaaq kuuffia immiisarfiimmit tamatigut isigineqarsinnaassalluni.

### Aserfallatsaaliuineq

#### 7.2

Atortumit aserfallatsaaliuineq piginnittup/atuisup pisussaaffigivaa, kiisalu maanngaannaq kuuttoqassagaluarpat tamanna Nukissiorfinnut akisussaaffigitinneqarsinnaanngilaq. Taamatuttaaq piginnittup akisussaaffigaa tankimik eqqiaanerup naammaginarput qulakkeerneqarnissaa, tassani imermut tanki imaarneqassaaq immiunneqassappullu akuutissat il.il. tappiorannartunik toqoraasartut imermut imerneqartussamut atussallugit akuerisassut.

### Tikitsisinnaanermut periarfissat

#### 7.3

Biilimik tikitsisinnaaffiit, siaarsiffissat aamma imermut slangimik ikkussiffissat Kalaallit Nunaanni sullivinni atukkat pillugit Inatsit atuuttoq naapertorlugu isumannaallisaanikkut peqqissutsikkullu illersorneqarsinnaasumik pisinnaassapput.

Tanki imiisivik tankillit atorlugit ornillugu immerneqarpat, taava biilimik ingerlalluni tikitsivissat imaassapput imermik immiineq ajoquteqanngitsumik ingerlanneqarsinnaassalluni. Immiinissamut ikkussiffissaaq Nukissiorfiit innersuussutai qaqugukkulluunniit atuuttut naapertorlugit, taakkua Nukissiorfiit nittartagaanni

[www.nukissiorfiit.gl](http://www.nukissiorfiit.gl)-imi takuneqarsinnaapput.




## **8. Maalaaruteqarnissamut periarfissat**

### **Maalaaruteqarnissamut periarfissat**


#### **8.1**

Atuisoq Nukissiorfiit pilersuinerannit imaluunniit akiligassanit il.il. naammagisimaarinninngikkuni, taava sapaatit akunnerisa sisamat ingerlanerini Naalackersuisoqarfimmut akisussaaffeqarfeqartumut maalaaruteqarsinnaavoq.

## Ilanngussaq 1. Imermut tankimik ikkussuinermi piumasaqaatit



**Ilanngussaq 2. Ilaqtariinnut arlaqartunut illuni immikkoortut naatsorsuussaasuni aamma inissiani immikkut akiliuteqarfiusartuni ungasianit kiassanermi aamma imermik atuinermi atainerup uuttorneqartarneranut tunngaviusut**



- E1: Ungasianit kiassanermut atainermut uuttuut, MWh
- E2: Imermik kissartumik atainermut uuttuut, MWh
- E3: Nukissiamik atainermut uuttuut inissiami kiassaneq, MWh
- E4: Nukissiamik atainermut uuttuut imeq kissartuq inissiami, MWh aamma  $m^3$
- E5: Nukissiamik atainermut uuttuut erngup kissartup kaaviiarneranut illumik piginnittoq, MWh
- V-1: Imermik atainermut uuttuut,  $m^3$
- V-2: Imermik atainermut uuttuut inissiami,  $m^3$